

Hesayeev vfekrakkety ocetskekate. Hesaketvmese Eppuce oh vkvsametskat, hesaketv yuksv-sekon ocetskvres, momen myn oh vkvsametskekon omat, estemerkv yuksv-sekon ce 'stemerkvres. Hesaketvmese yvmv ekynv vnokecat rakket omekv, Eppuce vnokecusat atotytes, momekv estimvt oh vkvsamen omat, estemeriye kos. Hesaketv yuksv-sekon hesakvres. Hesaketvmese Eppuce ekynv sumecivranen atotet omekates, pu hesahokvre vrahkvn omvtes.

 UEHOME-ESKV.

HEYV este huerat hecetska? Naken eset oma? Enke pvlhvynken fvlaskon 'seset, pvlhvynken halon 'seset, uehomen esket os. Heren e kv-essen, e turwvn, e tufofvn, em atevken, en holwvketv omvlkvn en hehevs. Nake oma? Tayen e estemerricet hueret os. Hvtte uehome eskeko huerof, en heckv herusvtes. Momis hiyomat tan nake omat kerrvks. Haze mahet este penkvlece ont hueret os.

Mvnettylke, en heckvn vlostievketvt omvnts. Momen em vpyltaket hecof, vrakkuecÿke taren eyacvket omes. E tufofv, em atevke tis, en heckv omvlkvt hervren eyacvket os. Momis este en heckv herusvte tis, uehome-eskv haken omat, momusen omvlkvt en sumket os. E turwvt vkcataken, e tufofvn eleske ome en haken, e kv-esse tis, e tufofvn a oh pvlatkvn, em atevkeu omvlkvt en lesehvkepen, este onko haket os. Momen este herake fullat vpake vretv eyahcekos, vlesketvn este'n hayvranekv. En hessvylkeu omvlkvt en kvpykakket os. Ha-



cet vlaken omat, hoktvken em penkvlaket em pefatket os. Momof e hiwv, en hopuetaken, naken ocekot estemerket tvk vpoket os, uehome esketvt ome-cicen, cvtokunawv omvlkvt pokepeky.

Uehome celayetv penkvlket os. Mv este este-penkvlaca hueran hehevs! Heren heevs! Uehome wiyvlke opunahoyat pohvyet os. Heeen vpayvko-fvu este-catvlke em vlose mahats, makaket os. Heee entvlkuisis este-haceceky, uehomen vpakof svhere mahecet os. Este-cate uehome en cvmpe mahet omen kerris. Uehome neset esken, cvtoku-

nawvt pokepof, momusen corakko tis este'm ohonayet os, monkat wakv tis sukhv tis, hacē, cen onkv, omvlkv pokepis, Estohkos, maket os. Hacvlke cuehvransuset, nene-cvpy tis wakken, hechoyeť os.

Uehome-eskv ehiwv ocekan herēs, enhyperkvn tayen hokte hervte tis estemerricet onkv. *Heyv cokv hayvyat, opuuvkv fvccet os, momen hoporrenkvn 'se emvhahoyekvs komit omis.* Hesaketvmese este en heckv here hayvte hiyome e estemerricat fvccv te? Fvccvrontkot os. Mv vhakv, "Elehcetskvs" make ocat, este eleckv vsehāt etvpomen, puna momecet, elecvraneķon pum vsehet os. Uehomet este sulke mahen pvsvtvtet omes. Estet etelecvenks mahoken pohēn omat, uehomet omecicvenken poheyat sulket os. Mv tvlknsis en holwvketv pum onayet os. "Hesaketvmese en cuko-vcakat toyatskat, momen Hesaketvmese em Puyvfekv Vcakatet ec ofvn vpikē tat kerratskeko haks"? Cokv-rakko pu kicet os. Monkv Hesaketvmese em Puyvfekvt epu 'piket onkv, puna vcayecvraneyet omes. Uehome-eskv ena vcayecokot os. Uehomen tayen eskof, envcofvn em vhopanen, elet os. Momen mv tvlķekot os. Este hace ēlat Hesaketvmese em etvlofv cehyekos, momis totkv-rakkon vk hvtvkvranet os. Monkv vn hessvlko toyatskat, vhēricet, heyv este hace hueran hēcet, em estemerketvn, momet en naorketvu oh vketecet, estofis Uehome esikatskvs, momet wiyiyatskvs; Este elecvtis komet, em penkvlet svpvklvks. Momof ece 'fvckvke tares.

"HACVLKE ESTOFVN HESAKETVMESE EM E TVLOFV ESCEHYEKOS."

CESVS VC VNOKECES.

1. CESVS ve vnokeces,
Cokv-rakkot ev kices;
Hopuetake enakets;
Yekvkekis, ent yekees.
 Ve vnokeces,
Nakokvt ev kices.
2. Cesvs vm elvtet os,
En cuko vn haukvren;
Holwvyeckvn vsleceñ,
'Mestucet eceyvres.
 Vn vnokeces, &c.
3. Cv yekceko estomis,
Ve vnokece munkvts;
Hvlwen a vfvnnaket,
Ve vhecice munkvts.
 Ve vnokeces, &c.
4. Ekvvn ropottvyof,
Ve vpake munkvres;
Vnokecin omate,
Ca'lofvñ ev'sepvres.
 Ve vnokeces, &c.

ESTVKWVNAYV.

ESTVKWVNAYV kihocat cetto rvkrvke mahet omes.
En evpke tat estele-vhopaky pale tutcene, pale ostat
oret omes. Heyv cetto rvkrakat, vklhvse sasan, mon-
kat uewv rvkrvke sasan fullet omes. Uewv vfopke



ehketv here punvttv vk hvtypece uewv eske tayan ehket, peteteket likvntot, em vwole tetayen vlakof, oh tasket, e nokwvn em vpyllaket, nokcepelet, elecet omes. Monkat eto huere tis vcemket, oh wakkvntot, naket hoyanen hecof, e hvce eto vpyllvke emunken, a oh tasket, fekhonnicet omes. Efv tis, eeo tis, monkat waktv o estomis nokmelet omes, mahoket omvnts ce.

Pum ekvnyv estvkwnayv sekat epu 'fveke taves. Hopuetakuce, hvtyv este hoporrenvkekak, Yvmy ekvnyv fulles makaket, em penkvlyket omes.

ESTEMERKV SEKARES.

1. HVLWE mimvn mucv
Cesvs mekket likes;
Em estvlke afvckakat
Em vfolotakes.
'Stemerkv sekares,
'Stemerkv sekares,
Hvlwe vnokeckv 'sfvckan
'Stemerkv sekares.

2. Hvyayvhokuset,
 Vhonkytesko tay's;
 Omvl' heren vyhikaket,
 Cesvn vkvsamak's.
 'Stemerkv sekares, &c.
3. Hesaketvmese
 En Yypefikuce
 Kalfve elehoevten
 Vyvhikaket os.
 'Stemerkv sekares, &c.
4. E catvn es nesat
 E vpyaket os,
 Momekv eslopienset
 Vyvhikaket os.
 'Stemerkv sekares, &c.
5. Puyvfokev Herat,
 Vksvinkvu pu'mvs,
 Celusvme Muevsaten
 Pumeñ vpokyvren
 'Stemerkv sekares, &c.

SATAKV-TEKVPICV.

ELKV MEYVKSU-SEKO.	HESAKETV MEYUKSV-SEKO.
SUMKETV.	HESAKVTE.
TOTKV-RAKKO.	HVLWE-TVLOFV
YOMUCKE.	HVYAYVKE.
OHTVHIKVVTE.	HESAKETV YUKSV-SEKO.
ESTEMERKV YUKSV-SEKO.	APVCEETV YUKSV-SEKO.
ESTE-NEKHCV.	HESAKETVMESE.

Este vtakat heyv satkv wakkat em vkvpervn,

monkat em vkvskvvnv huere vlket omes. Momen mv huerat em onpvy opunvkv ocean em estet os.

Vn hessvlke toyatskat, heyv satkv wakkat em vpylvhmke estoman svpaklatske haks? Hericet ohonayet vketecevkes; opunvkv rvkrvke mahet os. Hvmkat Este-nekriev enakets, momet totkv-rakko este-merkvy emeyuksv-sekan 'sayet os. Momen hvnket afvckety emeyuksv-sekan, Hvlwe tvlofv Hesaketvmese likan er oret os.

Monkv hiyomat heyv satkv em vkvperv Este-nekriev em estet hueretsken omat, lvpken etohwvlvpiket, Hesaketvmese em este hakvs. Este-nekriev vpake huerety penkvket os, elkv meyuksv-sekan 'sestayet os. Momen sumkety make ocean hueret, mv satkv etohwvlvpiket, Hvlwe-tvlofvn er oretvn ce yacet o haks? Hesaketvmese em este mvn vpaket hueretvn ce yacet o haks? Momen estomvyatet mv satkv etohwvlvpkye te? maketska? Cesvs eteropotiyet, etohwvlvpkvransket os. Cesvs em e wikvransket os, ce feken e'vransket os. Ceme cem vtotkety ce hesayehcekos. Ceme cem emekusvpy, momet cen yvhikety eteropotte mv satkv etohwvlvpiketskekos. Momis Cesvs tvlkus, Cesvs tvlkusen em enhonret, emekusapetskof, emet ee evpahyet, mv satkv es ce tohwvlvpkvransket os. Momof Hesaketvmese em este hakepet ece 'fveke tares. Cesvs em opunvkv hvmmaket os; "Estimvt vnen a ve oh aten omat, ossihcekos." Monkv Cesvs oh vyve. Momof hesakety meyuksv-sekon, momet afvckety meyuksv-sekon epoyetskvansket os. Satkv em vpylvhmke estoman hueretska?

FEKEPKV-NETTV

FEKEPKV-NETTV ehosekot vevyeevs; Hesaketvmese nettv epaken vtotke, vkhkopvvraneyat pu'mvtes, momet nettv hvnken cvnakets makvtes. Heyvt Fekepkv-nettv tes. Pu tempunayat, heyvn ee hohsvkates, maket omes.

Momekv estimv en nettv tate kerreyvrēs, momet nake svrahkvn mellvte kerreyof, naken mv nettv ofv vfvstetv tate kerreyvres.

Hesaketvmese en nettv tes. Nettv omvlkv Hesaketvmese enakets, Hayvtet omet, mvt etekvpakicytet omekv. Hvse nettvn ohfvnkvrane hayvtes, momet hvresse neren ohfvnkvrane hayvtes. Momis Hesaketvmese nettv epakat ymv ekvny ohfveevn este emet omvtes. Momekv, "Nettv epaken vtotket, cena em vtotketv omvlkv monieevs," makvtes.

Hesaketvmese makvtes, nettv hvnkat nake omvlkv Hayvte rakke likat vrakkuehocvres. Heyvn makvtet omekv, Cehofv en nettvn kihocet omes.

Hesaketvmese nettv epakate ofvn ekvny hayvtes, momet nettv eskolvpakan fekepvtes, momet omekv, Fekepkv-nettvn kihocet omes. Este tis, vpuekv tis, vtotkvte wiket, fekapet omes.

Mekusvpkv ohfveev vkerrievraneyat vrahkvn, heyv nettv hayet omvtes. Fekepkv-nettv orof, este vtotkekot, fekhonnet, mekusvpkv tis vpehoyen heceyof, pum vkerriekv hvlwe fvceevn vkvwapkēt omes. Pu holvvyeevket omen, pu feke holwahoketvt omekv, mv nettv vcaakatēt oren, pum vkerriekv mvn oh

hecet omekaten omat, Hesaketvmese likat tis pu hose tayes.

Cehofv en nettv tes. Heyv nettv hvte hvvatkof, Cesvs, elkv a en kvwvpiket, cvto-kofke osset omvtes. Momekv heyv nettv hvayakof vtekat, pu Hesayeev vkerricet pum vkerrickv Hesaketvmesen kvwvvpvke tayes, momet Heyv nettv Cehofvt hayvtes, momekv mv ofv vfacket kvsvmares, makvraneyet os.

Fekepkv-nettv vcayecetv komën omat, hvte hvvatkof, asvpaklet Hesaketvmese merretv em pohvraneyet omes.

E vhericeyat, svheremahe nettv yvnahkvrane'kot omes. Puna heren vicevraneyet omes. Momis pum puyvfekev mimvt hvsvtketv en heretv ofvn vtevrane'et omes. Momekv heyv taten vkerricvrane'yet omes.

Fekepkv-nettv vcayecyat, pum vkerrickvn heren vketecvrane'yēs. Momet yvmv ekvuv nake ocakat vkerricetvn e em vsehvrane'yet omes.

Pum vtotketv nak vfvstetv svseeceyvte omvlkvv vvhket, mv nettv hvvkusat ofv, mekusapet, cokvn hecet, nake pum puyvfekev ohfveev ocakat tvlkusen vkerricvrane'yet omes.

Etewolen wvnen emekusapet, Hesaketvmese em Puyvfekev Vcaakat epu'paket, pun horkvsvren vpo-hvrane'yet omes. Momet este etv heyv nettv es en lopievkvren mekusapvrane'yet omes.

Momeye tayen omat, mekusv'pkv oh vpeyet, Hesaketvmese em vliakv heren em apohicvrane'yet omes. Mekusapvlke vtekat pu feke vpayet mekusapet, yvhiketv kerrën omat, yvhihokat, este mvnicvrane'yet omes.

Erkenkv opunayat omvlkv heren em apohievraneyet omes. Holwvyeckvn en kvpvkvkes, maken omat, nake estomakan es holwvyeceye omen omat, heren vketecvraneyet omes, momet nake vfvstetv estomen wikeyvten omat, mvn kerreyof, momusen, "Hesaketvmese, naorkv toyvven, ve oh hehcet, vn merrvs," kicvraneyet omes.

Hiyomen nettv yvmahiket omeyisem, nere fekepvraneyof, mekusapeyat, "Heyv nettv ofv naket pum matten omat, omvlkv pun kvpyecicvs Cevs vrahkvn," kicet, mekusvpraneyet omes. "Opunvkv ot, vkerrickvt ot, fulletv tateu pum matten omat, omvlkv kvpicvs," kicet, mekusapeyet omes.

Hiyomen Hesaketvmese en nettv vcaakat fullvraneyet omes. Momis estomalies! este nveomuset hiyomat fullet omes, yvmv tvlofv on omat.

Este sulke mahet Hesaketvmese en nettv vcaakat ehosaket, momekat kerrake estomis, holwvyecvket okv, mv nettv kvcaaket omes. Momet Hesaketvmese em vhkv hvsatkusat kvcaaket, em puyvlekv estemerke taye ofvn e svpvklecaket omes, momen mv estemerkv ofvn vpeye munken omat, elkv yuksvsekon vpeye tayas.

Mekusvkv-rakkon este fullisem, sulket opunkv fvcev-liakekon opunahoyet, ehvperkv nettv, Fekpv-nettv yvmahakakat heceyet omes. Monkat heyv 'sem vheremahis sases. Emekusape 'svpohokat tis naoricet omakes. Momis heyv este vkerrickv ocvkeko ome fullvte omvlkv psvtkvranet omes. Momet Hesaketvmese ehomv svpaklet ohfvcevranet omes. Momof, "Nettv-vcaake hvtvm hvnkusis oceyate," komkvres.